



伏魔

小生扮天帝上

正宮引子滿庭芳斗轉星回人移物換不知多少滄田。天庭一日塵界早經年。屈指龜蛇此去。擾兵戈劫滿三千。收場處雨消雲散。好證大羅天。

居所常徵星宿拱。無爲但使雨風調。我乃元天上。帝是也。遙見東南撓槍暮見氛。祿朝纏知是龜蛇。二將擾亂中原。今劫數已滿。特下雲頭。仍收座下。免使呂仙飛劍斬他。正是幾年擾攘人間數。千載。

長樂部
振鐸西
請卷本

三 四集上 四集上
三 四集上 四集上
三 四集上 四集上

功程上帝憐下小旦牽龜上

中呂過曲漁家傲音孫合休比人將糊音他曉得過

去未來蓮底稱仙音你看蹣跚儘把真形獻待我們牽

了去灼起他的背來音方圓八卦卜代金錢卜一箇甚

日何年好掃靖邊烽萬里烟

小旦呀看他躲頭縮尾竟似不肯行走

好孩兒貼音你也怕死魂驚膽戰我縛龜手段從來具

健一任你縮去頭尖鑽進壳扁我定要牽你去便當

做仙膠煎服也可延年音副內叫快將我道兄留下俺

來也小旦貼音呀聽一聲叫喊如箭想是那常山怪又

來歪纏

副上與貼戰介龜逃下仍扮鄔瑞上接戰丑作且

上合戰介副武敗下丑仙姑你們破了火陣捉了

龜將正好交與師父處置可惜被他劫去小旦師

兄看來他們兩箇也難擒獲不如請大仙前去飛

劍斬他便了

迎仙客他也曉得緣內妙箇裏元音並不是那甕中鼈

葉底蟬若要收伏他除是請大仙三尺舊龍泉好教

三 四集上 四集上
三 四集上 四集上
三 四集上 四集上

他。一縷腥風。血落戰袍鮮。

同下武上陣圖既破。紛紛如鼠竄狐奔。副上上天神將。今朝憂入地無門。大哥你我下凡以來。戰無不勝。今日連破二陣。幾乎被傷。如何是好。武依我愚見。不如逃奔他方。另請神將來此復仇便了。副有理。

舞霓裳。暫避英鋒。讓妖仙。別請神兵。落遙天。落遙天。有仇不報。不是英雄。漢武威風重。樹碧霄邊。一霎時。飛雲掣電。管教他柳怪花精。都輸與俺。

小生上孽畜那狸走。武副跪介求上帝為吾等復仇。

鶻打兔小生。你律干天譴。生和死在目前。你還要怎的報仇洩恨。若不是我收拾。歸斗極。復星躔。不容想。

再上元天。你擡頭猛看看。來是何日。今是何年。

孽畜還不現形。歸伏麼。武變內放焰介。

麻婆子。霎時霎時原形現。回頭咫尺天下。雜扮龜上。副變介。頃刻頃刻真身獻。分開五色烟。下雜扮蛇上。小生高坐桌上。龜蛇並伏地介。接前。今不許惹塵。

緣東南氛氣已消遍。眼底海將晏。重慶太平年。

貼小旦作旦丑引生上

駐馬聽合戰鼓闐闐。一段妖氛橫海邊。只要看龍泉

飛處鋒落龜頭。血濺蛇肝。乘風頃刻掃蠻烟。好使將

軍指日成功轉擡頭介。呀為甚的聖駕雲間。想來把

孽障收拾歸霄漢。

緣來是元天上帝。吾等參見小生免禮。眾未知上

帝因何駕臨。小生為凡間劫數已滿。特來收伏龜

蛇。請了眾吾等候送小生下。生你看上帝腳踏龜

蛇直向元天去了。眾弟子今神將已收。番兵就退

你們不必回營。隨吾各歸洞府。

太平令合我馬翩翩。料得元戎奏凱旋。喜逢聖世歌

清晏。歸農業。復民廬。

尾聲你看蓬萊五色祥雲現。正好跨雲返乘鸞。轉一

一神仙歸洞天。同下。

評曰先鋒傷而療自祖師。白石敗而歸於大寨。無

論已。至於柳精敗而白鶴救之。柳鶴並敗而白杜

丹等救之。蛇敗而龜救之。龜蛇並敗而上帝收之。

大。戰。幾。陣。不。知。殺。著。那。箇。竟。雲。消。霧。散。歸。於。何。有。
真。有。悠。然。不。盡。之。致。

擾亂東南不計年

何人海上掃雲烟

自從收拾龜蛇後

玉燭仍調萬里天

小兵引淨末上

擣寨

雙調引子搗練子合披甲冑枕干戈一戰威風泛海
波擒得花奴將唱凱勳名勒鼎壯山河

淨兄弟元帥命我們暗調精兵候仙長破了龜蛇
陣圖便兩路夾攻中營現在前軍飛報兩陣已破
我們何不殺入中營擒那花奴末如此即速前去
淨已仗仙人法末好誇戰將能前面已是番營我
與你兩路殺入便了番兵引小旦上戰小旦敗下

淨未殺番兵下末大哥你看花奴紀律全無落荒而走速速趕上不得使他逃遁淨有理

前腔喧金鼓亂旗鏢一片烏聲唱楚歌正似九里山前埋伏好八千垓下盡拋戈

同衆下副藍臉持狼牙棒上時來虎豹南山吼運去蛟龍北海潛俺扶餘國大將蟹如龍是也公主統兵與唐將交戰命俺在海邊保護艫艫今聞營寨皆破兵將俱逃俺思深入內地相救既恐敵人乘勝劫我艫艫況又有小番來報高麗引兵犯境

大王與他連戰數陣不能取勝真教俺進退兩難如何是好想介頃我只有殺上前去接應公主下船速回本國以救燃眉之急是了

雙調過曲倒拖船三營盡破軍聲挫軍聲挫况傳本國驚烽火驚烽火真箇是雨逢漏屋連宵大船使風偏是打頭多好教俺進無那退無那只有匹馬兒疾

去護嬌娥副下

小旦去冠甲逃下嚇死我也戰死我也

攤破金字令前徒不利兩陣紛紛破中權不震一鼓

三皇圖 四集上 聲聲挫。阿呀呀。勢如山倒。冰消瓦破。殺得咱人疲馬乏。落荒逃躲。血流漂杵。盡倒戈犯。可憐淋淋汗透羅。吁吁氣不呵。蹙損了雙蛾。亂挽了雲螺。哭一聲。虞兮。虞兮。奈若何。

咱虬鸞哆奉命除奸。不想被唐將殺得大敗。來此已是蟠龍谷了。你看四面崇山。何處扳藤而得脫。一彎荒徑。無煩結草而就擒。幸與追兵漸遠。不免暫息片時。聊舒喘氣。下馬坐介丑上。

醉公子遭魔全仗那佛光相佐。喜百日傷痊。精神較

可安妥。又知道龜蛇已被仙人早結果。堪憂處。只愁那巾幗將軍也罹凶禍。

俺為蛇膽傷後。蒙張恩師救治全愈。今日教往蟠龍谷。救一女將。路遇敗兵。奪了鎗馬。迤邐行來。不覺已是谷口了。

二犯孝順歌。瞻崗嶺。盡嵯峨。斜彎谷口路轉坡。只見滿地荒烟。何處尋翠蛾。呀看那邊金鈴馬響。露出弓

鞞。訶音一定是巾幗人提著戈。巾幗人倒著戈。

見介阿喲。緣來就是陣上相見的公主。為何這等

三皇圖 四集上 擣寨 重代

三皇圖 四集上 卷一 第三
狼狽小旦你可是郭先鋒前來擒咱麼丑非也張
恩師說有一女將敗在此地教俺特來釋放誰想
就是公主那鄔郝二將何處去了竟使公主落荒
至此小旦阿將軍啊

錦堂月

自那日

息鼓收鑼唐軍謹守何曾兩下交戈

咱

左右先鋒擺了那為鶴為鶩

只道

中原將對敵無

人誰想

今日裏陣圖皆破人亂躲只見殺入中營威

風箇箇換頭

咱

無那上馬提戈

奈

心寒膽縮一時兒

攪海翻波

殺得箇

徧野尸橫鮮鮮流血成河

可憐咱

乘亂裏匹馬飛逃

還愁他

勢兇兇趕來難躲

幸遇

將

軍過救得奴好歸邦感恩天大

那日咱鳴金收兵聞得將軍受傷可痊愈否丑幸
有張恩師相救至今已好丙花奴那俚走小旦驚
介將軍那追兵已到了丑有俺在此不妨只要公
主回去勸你父王即速投降免致爭戰小旦深感
將軍再生之恩怎忘報效相逢此地無相迫已信
恩情不負儂下末上坡非落鳳孤鸞隱淨上谷是
蟠龍二虎來見介淨末阿啣郭舅爺聞你被張恩

公救去緣何在此丑已蒙張恩師救在五老峰醫
治全愈今命我下山偶經此地未知二位將軍來
此何事淨末舅爺有所未知那番邦二將已被仙
長收去俺們直入中營殺得番兵片甲無存追趕
花奴至此丑據我之意窮寇莫追況且道路崎嶇
恐有埋伏末舅爺有道擒賊須擒王若能擒得花
奴勝斬千員上將大哥我們快快追上谷內堪擒
賊淨籠中可取鸞同追下丑阿吓他們追上公主
必然被擒如何是好我只得飛馬前去設計勸他

回兵罷了正是一朵好花如被折風姨也是要垂
憐下小旦上

僥僥令狂風摧嫩朵猛雨捲新荷可憐匹馬沙場沒
箇人兒佐策步望東南淚滂沱

末淨上與小旦戰副上接戰介末淨敗下副公主
爲何如此大敗小旦啊將軍那鄔郝二將與唐軍
大戰全無下落咱中營被唐將殺入人不及甲馬
不及鞍只得落荒而走將軍謹守幢幟爲何來到
此地副昨日飛報到來高麗國與兵犯境小將爲

此挺身殺入來接公主恰在此間相遇小旦既如此所有敗殘人馬煩將軍再行殺上一同救他下船須要小心副曉得小旦三軍誓與同生死怎把殘兵付敵人下副歎介

川撥棹遭奇禍

那些軍士似浪捲花燈撲蛾可憐一

回兒棄甲拋戈一片兒慟哭悲歌怨著主三軍裙釵

太懦待俺飛馬前去

整殘兵救疲羸莫想到中原呼

渡河

丑上與副戰介番將何名副俺大將蟹如龍是也

丑敗兵之將前來送死麼副俺正要復仇取你首級復戰丑擲標副傷標下馬丑欲殺介阿呀且住我欲使公主勸父歸降不如釋他回去留線人情番將快快醒來副阿唷唷痛死我也丑番將聽者你主無故犯境反致傷兵折將今俺放你回國勸他速來歸降副小將蒙將軍不殺之恩得能回國自然勸主歸服丑俺有張恩師金丹在此你拿去敷了標傷付藥介副多謝將軍丑請了最羨當年羊叔子軍中贈藥號風流下副阿喲我受了金丹

三星圖 四集 不問姓名日後如何報答也

玉交枝感恩深大。洵天朝豪俠人多。俺似飛禽投入

籠中鎖。蒙提出地網天羅。不知姓名憂若何。銜環欲

報人無所。尾聲自疑馬革將尸裹。醒後渾如一夢柯。

我此去。准勸降書獻伏波。

下

評曰：鸞哆非追而勢急。不感有威之護已。而何必

為妻。蟹如龍非傷而受藥。亦不感有威之救已。而

何肯為媒。文是擣寨。意是聯姻。寫來卻成天湊奇

緣。

敗來無處可藏身。暫駐花廳歎息頻。

幽谷有泉紅葉下。訝如流出御溝新。

投表

番兵引外紅鬚扮番王盛蟒上

商調引子憶秦娥建旗牙軍中娘子勝如花勝如花
嬌柔無力敗績龍沙換頭全軍憂殺敗中華何堪境
上寇兵加寇兵加強求弱女逼獻琵琶

相見歡閉門稱帝無憂戴冕旒海外何殊赤縣號
神州征不利寇來攻是可愁攢得多般心事在胸
頭孤家乃扶餘國王虬髯哈是也昨日小番報來
公主在中原被唐將連破三寨喪兵無數甚是可

三皇圖
四集
憂還有那高麗國世子爲求親不允起兵犯境要
孤家獻出公主好不惱死人也小番上啟大王公
主同蟹將軍渡海回來與高麗國世子連夜交戰
殺得他大敗而去外啞他們外雖挫衄歸來卽能
建功尚屬可嘉小番速傳公主上殿傳介小旦上
宮中女隊出師還羞見江東父老顏見介小旦臣
女奉命去到中原喪兵折將罪該萬死外此番退
敵已可將功贖罪那卽郝二將何處去了小旦他
二將不知去處必定死於亂軍之中外啞這也可

惜你且把中原之事爲我講來小旦臣女呵

商調過曲高陽臺受命建牙分兵進取把邊疆擾亂

如麻力戰經年祇望疾捲中華堪誇不想我先鋒兩

陣紛紛破搗中寨突難招架好驚詫敵不住南將梟

雄一任浪捲殘花山坡羊可憐女急忙忙抽鞭飛馬

亂匆匆逃來荒野氣吁吁汗透宮紗眼汪汪淚血流

盈把路三父幸遇唐將郭先鋒救得臣女駕外他怎

肯救你小旦勸我邦及早及早歸華夏漫待天兵

向東海跨兒願父王休差好遞降書服帝家孩兒若

不是他嗟呀一命如花早掩沙。

〔外〕投降之事待孤家再行定奪你且回宮去罷小
旦中華有理須歸順不似譙周誘主降下副上贈
我金丹常感激思牽線線作冰人俺蒙唐將不殺
之恩贈藥之惠恨不知其名姓問及公主乃知是
前元帥之子郭有威今日進見吾王要將公主爲
他作伐以圖報答見介臣蟹如龍隨公主問罪中
原不能建功反致辱師多多有罪外將軍你保護
公主回國又能驅逐高麗之師有功無罪副敗兵

之將安敢居功臣想高麗既與我邦有隙若連合
中原共來攻伐甚屬可憂外驚介阿啣是啊此事
果屬可憂將軍既能見及須爲孤家早設良謀副
依臣愚見不如投順天朝且選他將相之子爲公
主締姻一可與中國永訂和好二可藉中國之威
脅服高麗未知大王意下如何外此計大妙方纔
公主說起蒙唐將郭有威釋放回國深感其恩不
如就招爲駙馬便了況那年高麗求親孤家與紫
霞先師相商原說公主親事在於中華今若與他

爲婚正是前定良緣也

三臺令承他相救聯姻姪巧緣分是三生結下我公

主得配將軍佐帝家也勝如景公女向東吳嫁況且

軍民不受烽烟咤便隣邦也莫敢擣搗這計兒斷的

堪嘉這籌兒不宜再差

將軍孤家就將二事寫在表內命汝航海而往向

他中營投遞副得令羞卻九泥難自回要將紅粉

作長城下

梧桐花外得婚姻聯中夏內外安休爭戰罷絕不慮

隣邦虎視來乘罅這一著棋兒不曾差看那千古英

雄都似咱非是孤無志氣甘卑下外下小生盃蟒上

水紅花腥風千里漾晴沙靖邊譁軍容閒嘖聲聲傍

暮奏寒笳這天涯江山如畫十萬精兵解甲咸待返

征車遙瞻著龍樓鳳閣帝王家也囉

本帥陳宗勉權專閩外制天驕於海溼山陬萬里

蛟螭息浪捷奏寰中甦物命於和風甘雨千村草

木飛花回憶這番軍功殊有天幸前因魔將利害

一時不能平復母舅與戰實爲所傷幸義弟之父

已成佛祖救在五老峰醫治并度百日之災始得無恙又賴義弟往終南山請得仙長無陰子到來收了龜蛇魔將使白石二士奪取中營殺得女將大敗而逃母舅回來方知無陰子就是純陽仙師下凡我想仙師佛祖同來護衛成功此恩怎能報答也

鵲橋枝仙人呵傲烟霞佛祖呵數恒沙他逍遙不管

人間事肯來把妖氛靖妖氛靖協力佐王家使得平

番寇息征戍這般恩怎加這般惠怎加報答無能報

答無能只有向空拜謝望不見霧抹雲遮

雜扮總軍上啟元帥扶餘國使臣求見小生且在轅門候候吩咐各營將佐全身披掛大開營門下雜傳介小軍丑作旦淨末盔甲引小生上仗得神謀清海宇應教王會列波臣各參見介小生方纔總軍稟報說扶餘使臣求見無論他的來意是向我歸降是探我虛實須合古人招攜懷遠之禮方為得體總軍傳使臣上帳相見雜傳介副上轅門畫戟重重起灞上軍容大國威元帥在上下國使

者蟹如龍參見。小生將軍少禮，副奉吾主之命，特齋降表，投遞麾下，伏望元帥奏呈御覽。小生你主既歸降，本帥自當上奏，待我將表看來。讀介外臣虬髯哈，謹啟大唐皇帝陛下，伏以南海趙佗稱臣而去，帝號河東寶氏歸漢而受侯封。自古英雄咸知天命，惟臣昧泥丸之封函谷，爲螳臂之當王車，罪實難容，悔而知改。今奉正朔而無違，作波臣而不叛，依許男之啣璧，效箕子之牽羊，絲枲魚鹽，年年入貢，梯航重譯，歲歲來朝。并將弱女虬鸞，哆

願配將軍郭有威，永固和親之好，用輸服事之忱。臣誠惶誠恐，昧死拜表以聞。小生向丑介將軍那表中聯姻一事，足見你主誠心歸降，待本帥一併奏上，請旨便了。副如此，小將告退。敵國反成婚媾，好將軍解賦太平歌。下小生對衆介觀那降表，似屬投誠，只是番邦心多反覆，倘乘我大軍撤回，陡諱前言，豈不爲他所欺麼？我意欲外祖同義弟入朝，奏明破敵之事，白石二將代鎮潼關，母舅與我仍守營寨，庶使番邦不敢或有貳心。衆元帥所見

正合兵機小生如此白石二將可攜了兵符隨參
軍即往潼關眾得令淨末邊靖將軍多去寨作旦
兵弭謀士好歸朝各乘馬下小生看他們已去本
帥且寫成奏章上達君王寫表介

前腔仙師呵法力賒聖上呵廟謨加況軍中同力還
同德殺得他番兵退番兵退不敢近流沙去帝號服
天家這投誠可嘉這投順可嘉遞表來降遞表來降
願聯姻姪想自今海上無譁

本已寫好不免將扶餘降表一同呈上以寬聖慮

總軍傳令雜有小生速備千里駒一匹著副將滕
雲龍齋表入京副扮差官上負表乘馬下小生我
想此表呈上真可慰得聖心也

尾聲從此人安業吏放衙臣民內外仰京華海上年
年麗彩霞

眾引下

評曰以將軍為新婦以降表為婚書直增千古一
韻事敵已歸降而不敢撤備寫得統軍不驕不
情最為得體後世邊將當如此

美人爲質表微情。
海上蜃樓高百尺。

願與天朝永息兵。
至今疑是受降城。

和番

淨冠帶扮盧杞上

邊塵已靖將軍福廟算無遺宰相功老夫盧杞前
因扶餘犯境兩次薦郭文龍陳宗勉爲帥本要置
他死地使爲國殤誰想敵軍已服主將有功前日
呈進降表龍顏大喜卽有封拜之意笑介呵呵這
事我弄巧成拙他們倒轉禍爲祥了今日聞郭老
頭兒與參軍張繼良上朝奏捷不免先到朝房候
他武生扮郭駙馬上施霖下雨魃民命就日瞻雲

謁聖顏下官郭暖節度河南因那年賑饑有功官
拜兵部尚書來此已是朝房見介老太師請了淨
駙馬公請了貴宗令叔禦敵有功定當大拜武終
藉老太師保奏之功淨豈敢外上戈甲藏胸杜武
庫作旦上韜鈴在腹鮑參軍見介淨郭大人連年
王事勤勞兩鬢愈加蒼白了前日平番秦捷喜動
龍顏外遠仗天威幸邀微績淨張賢契難得你青
春年少建此大功作旦總蒙老太師提拔至此你
看淨鞭三响聖上出宮來也二太監引小生扮唐

帝上

仙呂引子鵲橋仙干戈洗雨烽烟靖海遙聽邊軍唱
凱披香殿上奏功來喜寰宇雲祥霞靄

百戰將軍鐵甲穿中原自此靖烽烟今朝曠典行
枚卜共解征袍醉御筵寡人大唐皇帝自興元改
號貞元賴上蒼之福庇叨列祖之光輝喜得朝中
多士域外皆臣前閱扶餘降表已知邊軍奏凱內
侍宣文武百官上殿太監傳介衆三呼介小生郭
卿出師多年効力疆場有功社稷你可把平番之

事一一奏來外臣那年奉命出師得專闔任呵

羽調過曲慶時豐雄心重著黃金鎧老謀思展佐王

材只聽得塞上悲風畫角催殺得番兵倒向中軍敗

不想那番將呵天魔力勝狼豺龍驤兩翼盡輪回難

於進難於退只得把營門鹿角謹安排

後又蒙恩著臣謹守潼關特命陳宗勉接印為帥

臣子有威為先鋒張繼良為參謀那三人到邊關

呵

三疊排歌征馬出戰旗開直搗中軍寨不想那妖魔

毒氣該臣兒竟受災幸有獨臂僧平空救去丹藥調

治傷愈百日得生回并指點繼良去到那終南萬里

賽蓬萊請得純陽破陣來如擊雷如化灰邪魔驅逐

上天街因此如竹破如瓦解乘風頃刻掃塵埃

小生據卿所奏幸有獨臂僧與呂仙同來救護那

獨臂僧是何方掛錫外他法號了緣就是張繼良

之父武萬歲他前日陣中顯靈必定成為証果了

小生獨臂僧既能護國朕今勅封為顯應護國禪

師呂仙破敵晉封為靈佑靖魔真人即著邊關建

祠以昭功德。向外介郭卿鎮守要地。功大當賞。朕就拜爲平章大學士。外跪介謝主隆恩。太監爲外換相服。介小生陳宗勉能降強敵。保境息民。封爲定國公。郭有威摧鋒陷陣。不顧死生。封爲忠勇侯。外謝主隆恩。小生張繼良隻身訪道。爲國解憂。封爲忠敏侯。作旦跪介謝主隆恩。小生李晟馬燧俱以侯爵領尚書事。白飛鳶石有光各陞總兵鎮守邊關。著吏部侍郎田晉到軍前冊封并犒三軍。勝如花持龍節登將臺。這降敵功勳真可愛。看今朝。

報績酬勞。抵當時冲鋒冒寨平章事。是經邦賢宰。定國公。是父民俊才。忠勇侯。是領軍軼材。忠敏堪嘉。是唐家倚賴。便是那白石等。無非是王渾鍾會。靜候著畫麒麟閣宴重開。畫麒麟閣宴重開。

外臣啟萬歲。扶餘國降書已呈御覽。所云公主配於臣兒一事。請旨定奪。

浪淘沙。他那俚順服天朝。恩光遙戴。道是一體華夷。

不分中外。欲同秦晉聯婚愛。臣爲此故把姻緣待。奏我皇聖衷裁。

淨臣啟萬歲、俺堂堂大國、下與小邦聯姻、恐失體統。

前腔赫赫天朝、威名跨海、蠶爾小邦、漫聯婚愛。況是

佳人美麗中原最。何必同番女、綰結香羅帶。願我皇

聖衷裁。

〔小生〕朕思漢帝以愛女和番、原是失著。今番女入質我邦、正見真心歸服。盧卿所言未免太拘了。你兩次舉薦有功、特賜黃金百鎰、綵緞千端。〔淨〕謝主隆恩。〔小生〕郭卿、朕聞陳宗勉不曾聘室。盧卿女亦

未字人、就俟朕執柯締就良緣。〔外淨〕有賴聖心眷注、倍沐恩榮。〔小生〕今扶餘已服、准其送女入營、與有威成親、只是番邦歸款、理當齋冊封王。何人可使、淨急奏。臣啟萬歲、有革職主事陳祖功、前在河南助賑、望賜恩起復、可使扶餘。〔小生〕盧卿所奏甚善。向武介駙馬、朕就命你齋詔到浙江、起復陳祖功、出使扶餘。〔武〕領旨。〔小生〕今朕著光祿寺作太平宴、衆卿在集英殿候駕。衆領旨。

隔尾。〔小生〕喜聽將軍奏凱來。太平宴上曉霞開。朕與

卿等呵。暢敘瓊樓酒百盃。

排歌衆合。瀚海晴烟。邊關暮靄。遙遙遠隔天涯。番兵
殲盡仰天威。武略文謀盡將才。振旅回慶筵開。祥雲
五色繞龍階。同懽醉千百盃。將軍指日畫雲臺。同下
評曰。盧杞郭曖郭文龍。都從朝堂一聚。呂仙禪師
白石等。又從封爵上一敘。此劇也算總束總提。後
半帶出陳祖功。以起下文。正是轉合本題。令盧
女配宗勉。天子作伐。便是天子和事了。

薰風催度管絃聲。

化得寰區盡太平。

已許鸞哆配將種。

并教盧女也行成。

膺使

生扮祖功便服上

正宮引子破齊陣幸掃沙場兵燹無驚海上烽烟續
奏朝廷功成子弟佔得風光不淺記著前情宛如海
觸起新歡喜滿天奸臣膽已寒

淝水軍功兒輩奏棋邊太傅喜何如卑人陳祖功
自那年被陷之後七情俱淡百務皆忘淹貫古今
不作馬遷之史遭逢變故弗為巷伯之歌半世有
心如混沌一身無病似神仙卻恨奸賊殘心正肆

還思除草滅根株，詭計多端，又似怕鷹剪羽翼。今
幸天驕革面，小腆歸心，他們奏凱還朝，殊覺光榮
不少。聖上論功進爵，應堪雪恥無難了。

正宮過曲刷子序犯

我當時好似

爐金被煉，殘花傲

雪。古木凌寒，猛觸心頭千丈無明火。燃難安，幸爾家
聲如願，不愁那奸雄孽焰薰天。若據要津，急著長鞭
拚殘命，寃達九重前。

小旦上

朱奴兒犯早聽得滿簷鵲喧，昨宵兒銀燈花現，定有

佳音來日邊。我且走過了亞字欄杆，看花檻旭日移
磚聽迴廊雕梁棲燕，直步到畫堂前。

見介老爺為何在此，自言自語，生夫人，與人久被
陷害，因勢不敵，不能報仇。今聞邊關告捷，岳父等
諒多恩寵，正可報仇，以洩吾恨了。小旦阿老爺常
言道，有冤宜解，有仇莫結，想那前事呵。

普天樂犯

你不會

任官言司風諫

何苦

劾元臣惹磨

煎。況他知你有今日門高第，顯早已與你訂同心，情
投意戀，這人情世態，都是炎涼變，何用把冤讐過辨。

我勸你勾前覺。付之嘯月吟烟。覓閒情聽那啼鶯歌。
燕。怎做得樂逍遙。世外神仙。

〔生〕夫人難道不知我的胸中忿氣麼。

雁過聲。冤愆口兒難辯。思量起悶愁萬千。你看多情

尚有閒鶯燕。儘他狂。儘他顛。只有我與夫人。一生兒

空受磨煎。這終是奸臣害不淺。常教我心中恨起攢。

如箭。我定要削奸臣。好洩前冤倚枕眠。

〔院子急上〕啟老爺有聖旨到。〔生〕快備香案接旨。

〔小旦下〕眾托盔蟒引武生捧旨上。天語輝煌思舊

德。臣躬聞慶拜新恩。聖旨下跪聽宣讀。詔曰。好施
不倦。仁者之布德。方新位事。惟能王者之用人。求
舊前革職吏部主事陳祖功。在河南助賑有功。仍
復原官。兼翰林院編脩。出使扶餘。冊封番王。并爲
郭有威主成婚事。不必來京。速齋詔策。便道起身。
欽哉。〔生〕三呼萬歲。〔衆下〕武恭喜妹丈。令郎建績
封公。家聲克振矣。〔生〕差不同。劉景升兒子耳。難得
舅兄來此。請到內堂暢敘談心。〔武〕弟正要請舍妹
相見。〔生〕引介。自會河南已十年。故人重晤近蒼顏。

旦扮使女同小旦上班家兄妹悲離別今日相逢
豈偶然見介武恭喜妹子妹丈膺使令郎封公叔
父已爲平章弟有威并封侯爵小旦聖上如此寵
錫真是一朝曠典但未知義兒繼良與白石二士
封何官職武那繼良也封侯爵白石二士封爲總
兵現在鎮守邊關生小旦這也可喜武聞妹子有
一甥女青春幾何小旦女兒年方及笄今母舅到
此應當拜見了鬟請小姐出堂旦請介貼扮寶釵
上

福馬郎窗外垂楊驚峭蒨
階見春風面羞也覩裏羅
帕整翠鈿輕移畫樓前
爐烟盡近午天

見介母舅在上待甥女一拜樓前細雨鶯譟潤簾
外輕風燕剪忙澹宕春光無約束卻因舅氏肅高
堂武有勞甥女請回香閣自便貼揖介甥女告退
正是相逢欲把衷腸敘不使嬌兒得與聞下武好
一甥女許字誰家小旦尚未武爲兄在朝房問及
忠敏侯繼良姻緣未耦不識可容愚兄作伐否

玉芙蓉鵲班爵早聯侯府榮非淺
況通家誼切故人

情戀。這壁廂墮茵。謫下瑤臺女。那壁廂煮海功成瀛
島仙。洵佳偶。一對天然。借東風把雙雙引入洞中天。
〔生〕繼良雖好。他既拜我爲父。便與我女是兄妹了。
怎生締得媿眷。小旦他終是異姓。前爲義兒。今作
半子。卻也不妨。

山桃紅射雀屏。繫紅線求佳婿。豈偶然。你看玉鏡臺
早許溫郎面者。便是妹和兄姻緣案。況今日此姻不
允。以後要如繼良之婿。恐也難擇。你選客東牀。這封
侯快婿。何曾見。勸老爺不須三思。趁著那乘槎客便。

早把鵲橋填。

〔生〕有道娶媳由父。嫁女由母。夫人既然合意。我有
什麼不從。武既如此。待我出書與繼良。好使乞假
歸娶。小旦女既有家。只是宗勉無室。還祈哥哥費
心。擇一佳婦。武阿妹子。你還未知。聖上爲媒。已將
盧相之女。許配宗勉。還朝之日。就要合卺了。〔生〕嘆
有此事麼。

尾犯序。武無侯覓良緣。早有箇瑤池侍女。許配金仙。
已把那鸞鳳箋遞。鴛鴦券填。你休譴是君王龍心繫。

線不待告雙親聘儀先奠坐看著佳兒佳婦雙雙繞膝前。

生怒介可惱我正要報奸賊之讐怎肯與他聯姻幸未合昏待我面聖辭婚便了。

雁過沙誰題彩鸞箋難順君王面我蒼蒼松柏凌霄漢怎肯同邪佞漫繫絲蘿線幸今日阼階未把榛脩奠我定要一力辭婚帝座前。

武妹丈你今日不必怨恨甥兒等封公俱是他舉薦之力就是你此番起復也賴盧相保奏其怨儘

可釋了。小且老爺須聽哥哥之言不可任性而行。生笑介據舅兄所說弟反要謝他了。

花藥欄半世消魂一枕孤眠冤氣向誰宣成也由奸敗也由奸愛惡滿懷榮牽意君王已訂婚姻好沒奈何忍氣含怨事難言景難言笑他翻覆何無羞腆。

舅兄你向平之願可了麼武弟有三子俱已完姻只有一女及笄尚未字人生舅兄既爲甥女作伐小弟也要爲姪女執柯吾姪宗浩年與令愛彷彿未知可仰攀否武承妹丈屬意敢不領教生既蒙

台允叫吾弟祖德過來。順便一敘。就當會親何如。
武甚好。

尾聲憶相逢。久違魚雁。喜今朝共話平安。眷屬新開。
畫閣筵。恰好似。暢飲春風上巳天下。

評曰。舊臣起用。出使萬里。老泉云。大丈夫不為將。
願為使。祖功父子。可謂兼之矣。報媳之聘。聯姪之
姻。作女之媒。俱由於齋詔之郭曖。家事盡有著落。
文勢漸為收攏了。

出使身臨不測淵。家中兒女意難捐。

蛛絲裊裊隨風舞。繫著芳茸便是緣。

矜孤

外扮老院公上

自幼為奴僕、今稱老院公、閱人三世後、喜看受皇
 封、老奴陳義安、年近八旬、自覺精神猶健身、經百
 事、頗為過失、無聞、那年主翁以部屬之微、上章劾
 相、受宮刑之慘、革職回家、外面這班親友、總道陳
 氏門庭有財、而未必有文、發富而不能發貴、誰知
 如今少老爺得中狀頭、拜元帥而封公、大老爺仍
 為主事、授翰林而出使、主翁陡爾榮華、老奴曷勝

歡喜這也不在話下今日老爺要去冊封扶餘百
般事務定要吩咐一番不免在此候候暗下生冠
帶上月光華雲外生霞小旦上人榮耀錦上添花
老爺那年回家立繼妾雖口中苦勸心中未免悲
傷如今智井仍汲起復爲官總因前者積德所致
若能再積陰功皇天豈無格外報應生夫人凡人
富貴功名皆由遭遇就是爲善亦有機會前者因
河南荒歉故得救濟生靈上蒙天佑目前那有這
等事情相遇小旦老爺果肯再積陰功就是勝於

賑饑之事卻也還有生下官倒要請教小旦老爺
呶

黃鐘過曲畫眉序哀傷事何極無告窮民更堪恤想
孤兒發婦身家難給怎忍得空幃裏斷瑟淒然寒階
下荷蘭不接合真箇是世間無限傷心事惟有孤寡

情竭

小旦我想陰功之大莫過於矜孤恤寡世上貞節
婦人有一等少年夫死不能撫養孤兒以致宗祀
遂絕又有一等養子成人家中貧苦艱於娶媳晚

年有子仍孤，此皆徒費一番苦節，實可悲憫。

前腔：青年凜冰節，至老何曾見兒媳，歎半生艱苦，向誰分說。講什麼蒙旌獎百世流芳，縣宗祀千年血食。

合 真箇是世間無限傷心事，惟有孤寡情竭。

小旦：老爺若肯矜恤，這種陰功，豈不在賑饑之上麼？生夫人之言，甚是有理。

前腔：冰霜操難及，況又孤貧更堪惻，歎守財人有誰加憐惜。忍使他伶仃子，萍逐流，漂廉貞婦，燈隨光滅。

合 真箇是世間無限傷心事，惟有孤寡情竭。

外暗上：生老院公過來，你與眾夥細查仁錢兩縣除四十守寡孤子已娶之外，將極貧的孤兒寡婦，載名冊上，各給銀五十兩，不可虛登，不可遺漏，須要盡心辦事。外老爺這樁好事，必須費銀數十萬，纔可行得。生既要行此事，我也不願多費了。外足見老爺好心濟人艱苦成人美，較賑飢荒德更深。**下**生夫人：我想此事實有三善，第一可保全幼年孤弱，第二可曲成青年苦節，第三可綿延百年祖宗血食。

啄木兒東流水。濡涸轍。焦尾魚兒皆潤澤。這廂兒可
周衣食。那廂兒可全兒媳。豈不使孤兒好把家門立。
孤幃易矢。冰霜節。孤支得有宗祧接。

夫人我王命在身。即要促裝而去。矜孤之事已著。
他們速辦所慮者。繼良告假回來。不日就要迎娶。
如何是好。小旦老爺你放心前去。遣嫁之事可叫
叔叔代理。女兒適人也。卻一端心事。

鮑老催鍾情雖切。女兒須嫁乘時。及桃天正當三春
節。喜女兒此去。賦于歸。女宜家。男有室。倩郎況與孩

兒匹。何須比那慈烏愁滿目。朝朝望斷天涯泣。

生夫人天下之事實難逆料。繼良幼時來見。豈知
便為我婿。官至封侯。就是宗勉。亦何曾想到如此。
滴滴金髻年也。附芝蘭列。約訂絲蘿真未識。這是天
公巧護家中事。半子分宗支立。香風暗襲。幸爾這階
前移花枝。早接。不然顯榮焉有今日。

小旦老爺若不是當年立他為子。如今封了公爵。
斷難出口了。生是喻。虧得夫人早為定局。正所謂
善繼人之子。必也三十而立。雜扮侍從托盃蟒上。

候老爺起馬生夫人我就此拜別

鮑老催躬膺龍節白雲天際征鴻急斜陽海上烟波
疾憶去來別經年寸心結正是秋風鞍馬霜花拂調
護何人愁疲怯目斷天涯極

貼扮寶釵上拜送介生同侍從下小旦看我夫出
使扶餘躬膺皇命傳天語於日邊職授翰林吐綸
章於海外也是朝廷寵任貼母親我爹爹今日起
程官員策馬親友餞行好不榮耀也

鬪雙雞合都城外都城外華筵餞別長堤上長堤上

絲鞭先策盡送陽關西出客舍青青勸君盃酒執尚
念著風波險經年跋涉

尾聲暗數歸期心最切想載道楊花飄似雪燕來雁

去通消息下

評曰因要復位起用先言賑饑因要復形生子先
言矜孤以見爲善之可回造化耳陶靖節閒情賦
未免春色繫情故昭明以白璧微瑕惜之吾於蘭
英春情詩亦然然觀其勸夫爲此是能刮垢磨光
而去其瑕者

窮民無告實堪哀。
孤獨有園花結果。

誰使仁錢壽域開。
踏花鹿女也成胎。

嫁釵

〔旦冠帔扮袁氏上〕

不誇尹媿衣冠美，巾幗咸推是禮宗。
妾身袁氏所生二子，長宗勉出繼大伯為嗣，次宗浩現就師傅讀書，繫月支於弱冠之年，終軍材武已列，曾於上公露頭角於髫華之歲，逸少儀容亦締親於駙馬一門富貴，何等光寵。

越調過曲祝英臺顯門庭光閭里，人世最難尋。
喜看伯有階蘭，仲有庭芝，芳聲早已駸駸不欽。
大奴真是

超宗少子也。堪衣錦算將來。總託蒼天福蔭。

回想當年我夫勸大伯續娶他竟不從反至分析。後雖娶了郭小姐成親之後便宿書齋教人無計。可使我見婢女秀蓮甚是伶俐託他勸慰小姐。綿搭絮畫闌月轉粉牆陰寶鴨香沉夢陽臺何處尋。恁空閒錦瑟瑤琴。雖則託侍香女子略解愁心。免不得寂寞幃中長夜孤眠伴繡衾。

後虧張禪師設計使我大伯同房生女寶釵誰知天心甚巧今日姪女便為張禪師的媳婦了。

博頭錢

幸他

酒設葡萄飲

引得

帳暖芙蓉錦雨雲深

樂遂雙鴛枕

纔能勾

珠生暈花弄陰丁香子荳蔻心

得箇

姪娥體態月中尋

誰想

神工巧暗度針謝家蘭

桂轉使委禽

總教那

美男美女盟玉誓金銀河會合

神仙品今朝喜聽佳音

末冠帶扮祖德上一院穠華桃李豔好看兒子妻

南容見介旦老爺宗勉等出師幸賴張禪師遺計

得成大功故此還朝都有恩典但未知禪師有何

善處能成證果末夫人禪師只勸我哥哥賑饑一

事普救無數生靈善莫大焉。且緣來如此近聞大
伯矜孤之事費銀竟有二十餘萬了。末這是爲兒
孫培德多多益善今日姪女遣嫁我與你同到嫂
嫂處去便了。

五韻美合滿地花茵鋪錦笙簫笛管分淺深准待著

迎鸞綵輦封侯品似這等風流快婿真可爲門楣慶

甚這是積善家庭福躍臨看今日于歸光分叔媿

同下小旦冠帔上香閣當年欣弄瓦華堂今日喜
乘龍妾身郭氏我夫奉命出使遠在扶餘今日女

兒又要遣嫁殊覺家中冷靜了雜上鼓吹喧道上
輿馬擁門前啟夫人侯爺迎親到了小旦你快請
二老爺前來迎接莫道倩郎爲半子終嫌女主接
男賓小旦下作旦扮繼良上末上接介作旦叔岳
大人請台坐待姪婿拜見末賢姪婿婿常禮罷同拜
介作旦蹶父相攸培養久薄材敢自比韓侯末古
來爲女選佳士今日吾兄志願酬坐介賢姪婿婿名
高甲榜官拜侯封舍姪女得侍巾櫛門楣增光作
旦姪婿婿樛櫟微材因蒙培養之功得際風雲之會

敢忘岳父母大人暨叔岳大人恩德〔雜〕酒圓〔末〕敬
酒作旦回敬作旦上坐〔末〕賢姪婿請酒

五般宜慶佳婿步雲程表華林借姪女諧鳳瑟奏鸞
琴真一對蓬仙客喜相尋俛寒門不勝寵臨〔作旦〕兼
葭辱體得俛瓊林回想栽培雨露恩深叨光寵遙庇
蔭。

〔雜〕二老爺絲輦已到〔末〕賢姪婿請到內堂拜見岳
母作旦末下衆引絲輦上小旦上既似親迎於滑
寧忘往送於門〔雜〕夫人在上擯相叩頭小旦喜言

贊上〔雜〕請介伏以蓬山頂上彩雲開玉管金簫次
第催爲迓仙人來絳闕好乘鸞鳳往天台請新人
出堂老旦扶貼上〔雜〕拜辭家堂貼拜介〔雜〕再別慈
闈貼拜母介小旦敬貼酒介

憶多嬌〔敬你〕燕爾婚如瑟琴兄妹今朝共佩衿玉鏡
臺前愛更深但守無違但守無違不負訓閨遺箴

〔雜〕請上絲輦貼上輦介〔雜〕請貴人出堂作旦上〔雜〕
拜辭岳母作旦拜介末上〔雜〕再辭叔岳作旦拜介
末敬作旦酒介

三星園 四集
前腔 敬你鸞鳳交花月吟寶瑟新調玉柱琴一曲春風度好音但看齊眉但看齊眉夫婦百年同心

雜御輪三週作旦扶輦轉介乘馬下眾引絲輦下末向小旦介嫂嫂看那姪婿壻與姪女真是一對嘉耦小旦惟願他偕老百年

梅花酒合潘楊才貌風流佳品看他洞房花簇明如

錦定是箇郎堪愛女可欽羅帶結歡盃飲兩下訂同心月影沉沉惟願盡終身樹交蔭盡終身樹交蔭

丙外分下

評曰袁氏與夫勸祖功績娶豈當春閨愁悶竟無一言託秀蓮勸慰之意於此補出最為細密壻迎女嫁情節宛然可當一幅桃夭圖看

當年勸得鳳求凰 產下雛兒配阿郎
為問西方清淨地 蘭花早植一枝芳

傳登錄西
域有七枝
秀草若羅
漢聖人生
則此草生
清淨之地
今用此典
為下贈蘭
生孫伏根

三集 四集 三星園 四集 重刊

三
星
圖
四
身
一
三
身
六
三



